



Aqqa Samuelsen

Inatsisartunut ilaasortaq,  
Inuit Ataqtigiit  
/Maani

**§ 37 naapertorlugu apeqqummut nr. 2019/255-imut piniarnermik nakkutilliisoqarneq pillugu akissut.**

30-07-2019  
Suliap normua 2019-17245  
Allakkat nr. 11278478

Asasara Aqqa Samuelsen,

Inatsisartut suleriaasianni § 37 naapertorlugu Naalakkersuisunut piniarnermik nakkutilliisoqarneq pillugu apeqquteqaateqarputit. Apeqqutit uannut akisas-sanngorlugit innersuunneqarput.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

**1. Nunap immikkoortuini sorlderni piniarnermut nakkutilliisut amigaatigineqarpat?**

Maannakkut piniarnermut nakkutilliisut arfineq-marluk atorfeqarput, Upernavimmi (marluk), Ilulissani (ataaseq), Sisimiuni (ataaseq), Maniitsumi (ataaseq), Nuummi (ataaseq) Ittoqqortoormiini (ataaseq). Naliliiffigineqarpoq maannakkut nakkutilliisoqarneq naammattoq taamaattumilu piniarnermik nakkutilliisunik amigaateqartoqarani. Piniarnermik nakkutilliisunik aalisarnermillu nakkutilliisunik pisariaqartitsineq ingerlaavartumik naliliiffigineqartarpoq, suliassat apeqqutaatillugit.

**2. Nunap immikkoortuini piniarnermut nakkutilliisut amigaatigineqartut inuttalerneqarnissaat Naalakkersuisut pilersaarutigaat?**

Apeqqutip 1-ip akissutaa takuuk. Ilanngullugu innersuunneqarpoq § 37 nr. 179\_2019-imeersumut aamma nr. 113\_2016-imeersumut akissutini saqqummiunneqartoq piniarnermik nakkutilliisunik pisariaqartitsineq naleqquttoq.

**a) Piniarnermut nakkutilliisut taakku illoqarfimmi/nunaqarfimmi sumi najugaqassappat?**

Aamma § 37 nr. 113\_2016-imeersumut akissut innersuussutigineqarpoq sumiiffinni sukumiinerusumik naliliineq.

**3. Nunap immikkoortuini piniarnermut nakkutilliisut amigaatigineqartut inuttalerneqassappata qanoq annertutigisumik aningaasaasartuutit qaffaqaarneqartariaqarpat?**


Piniarnermut nakkutilliisumut ataatsimut akissarsianut ingerlatsinermilu kiisalu ilinniartitaanermut aningaasartuutit ullumikkut koruunit 1 mio. missaanniippat. Taakkua saniatigut atortunut koruunit 1 mio. missaanni

atorneqartarput soorlu angallatit, qarasaasialerineramik assigisaanullu atortut, atisat il.il.

Piniarnermik nakkutilliisut amerlanerusut atorfinitsinneqassappata ukiumut aningaasaliissutit koruunit 1-2 mio. missaanni amerlissapput.

Sinerissap qanittuani nakkutilliinermut aningaasartuutit ukiumut koruunit 16 mio. missaanniipput.

Tassunga tunngatillugu oqaatigisariqarpoq, aningaasartuutit assigiimma-  
ta, piniarnermik nakkutilliisoq, aalisarnermik nakkutilliisoq  
alapernaarsuisorluunniit pineqartillugu.

  
Inussiarnersumik inuulluaqqusillunga

Jens Immanuelson

Aalisarnermut, Piniarnermut Nunalerinermullu Naalakkersuisoq



Aqqu C. Jeremiassen  
Inatsisartuni ilaasortaq,  
Atassut  
/Maani

**§ 37 naapertorlugu apeqquummut nr. 2019/179-imut aalisarnermut piniarnermullu nakkutilliinermik aaqjissuussaq pillugu akissut**

20-05-2019  
Suliap normua: 2019-12612  
Allakkat nr. 10810357

Asasara Aqqu C. Jeremiassen.

Inatsisartut inatsisaat § 37 imm. 1 naapertorlugu Naalakkersuisunut apeqquaqarputit aalisarnermik piniarnermullu aaqjissuussineq pillugu. Apeqquutit uanga suliaasaqarfinnit akineqartussanngorlugu innersuunneqarpoq.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl


**1. Piniarnermut Aalisarnermullu Nakkutilliisut sineriapiluunersuatsinni amerlisarneqarnissaat pillugu Naalakkersuisut qanoq pilersaaruteqarpat?**

Naalakkersuisut isumaqarput sineriammi piniarnermik aamma aalisarnermik nakkutilliisunik pisariaqartitsineq maannakkut amerlassusaannik matussuserneqartoq. 1-mut tunngatillugu matumani apeqquummut innersuunneqarsinnaavoq siornatigut apeqquutit assinga pillugu akissut; § 37 nr. 113\_2016.

**2. Sinerissatsinni nakkutilliisugut atugassarititaat naammagisimaaginnarneqarsinnaanngitsut tusarneqartarpoq, atungassarititaasut soorlu; angallateqarnerit allallu assigisai qanoq Naalakkersuisunit pitsanngorsaavigineqarnissaanik siunnerfeqartoqarpa?**

2-mut tunngatillugu. Matumani apeqquummut innersuunneqarsinnaavoq siornatigut apeqquutit assinga pillugu akissut takuuk; § 37 nr. 113\_2016.

Inussiarnersumik inuulluaqqusillunga



Jens Immanuelson

Aalisarnermut, Piniarnermut Nunalerinermullu Naalakkersuisoq



Indgået

18 MAJ 2016

NAMMINERSORLUTIK OQARTUSSAT  
GRØNLANDS SELVSTYRE  
INÁTSISARTUT ALLATTOQARFIAT  
BUREAU FOR INÁTSISARTUT  
BOX 1060 - 3900 NUUK

Asasara Siverth K. Heilmann.

Brevdato: 13-05-2016  
Sags nr. 2016 - 1237  
Akt id. 2777887

Qujanaq piniarnermik nakkutilliineq pillugu apeqquternut. Ataani akissuteqarfigissavakka.

P. O. Box 1037  
3900 Nuuk

1. Piniarnermik nakkutilliisut massakkorpiaq qanoq amerlatigippat?

Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

1. pillugu

Maannakkut piniarnermik nakkutilliisut arfineq-pingasut aamma ikiortit pingasut Kalaallit Nunaanni Aalisarsinnaanermik Akuersissutinik Nakkutilliisoqarfimmi (KANUAANA-mi) atorfeqarput. Tamatuma saniatigut aalisarnermik nakkutilliisut arfinillit KANUAANA-mi atorfeqarput, taakkualu piniarnermik nakkutilliisut suliasarpaaluit pillugit qanimut suleqatigisarlugit.

2. Piniarnermik nakkutilliisut Naalakkersuisuni naammattutut isigineqarpat?

2. pillugu

Isumalluutinit atorneqarsinnaasunut atatillugu amerlassusaat naammattutut Naalakkersuisut isigaat. Ukiut 20-t kingulliit ingerlaneranni piniarnermik aamma sinerissap qanittuani aalisarnermik aqutsinermi suliasat annertuumik ineriartorput. Siornatigut piniarnermik nakkutilliisut sumiiffinni ilisimasaqarnerat tunngavigalugu atorfinitsinneqartarput, kisianni maannakkut sulianik ingerlataqarnermi nutaaliaasumi pisinnaasanut piumasaqaatit annertunipilussuupput, kiisalu piniarneq aalisarnerlu pillugit malittarisassarpasuarput ilisimasaqarnissamut. Nakkutilliinermi sulisussarsiorarneq suliffeqarfiit oqartussaasoqarfiillu allat sakkortuumik unammineqarput, assersuutigalugu politiit.

KANUAANA-p piniarnermik nakkutilliisut sapinngisamik pikkorissartarpei ilinniagaqaqqitsillugillu aqqqissugaanerup iluaniit Naalakkersuisut immikkoortotaqarfiiniit allaniit kiisalu allaffeqarfiup avataani suleqatiniit suliniuteqarnikkut. Pingaartillugu salliutinneqartarpoq siunnersoqatigiinnerup ilisimasanillu avitseqatigiinnerup, piniarnermik nakkutilliisut akornanni aammali piniarnermik nakkutilliisut aqutsisullu akornanni qulakkiissallugu, ilaatigut inatsisit nalunaarutillu pillugit paasissutissiineq aqqutissiunniarlugu taakkualu nassuaateqarfiginissaat. KANUAANA ilanngullugu taaneqareersutut piniarnermik nakkutilliisut aalisarnermik nakkutilliisoqatigiinnit tapersortarparaa.

**3. Piniarnermik nakkutilliisut illoqarfinni sorlarni aamma ikiorteqarnerat qanoq inissisimava?**

3. pillugu

Nuummi, Maniitsumi, Sisimiuni, Ilulissani, Upernavimmi Ittoqqortoormiinnilu piniarnermik nakkutiisoqarpoq.

Sumiiffinni unioqqutitsisoqaratarsinnaanerani, nakkutilliinermik aamma piniarneq aalisarnerlu pillugit pisariaqartitsinerpaasuni, nalilersuereermermi piniarnermik nakkutilliisut, ikiortit aamma aalisarnermik nakkutilliisut nakkutilliisoqanngitsuni piniarnermilluunniit nakkutilliisoq ikiorneqarnissaanik pisariaqartinneqartumi nakkutilliitortinneqartarput.

**4. Piniarnermik nakkutilliisut angallateqarnerat qanoq inissisimava, tamarmik atorsinnaappat?**

4. pillugu

KANUAANA angallataateqarpoq tallimanik 34-35 fod-itut angissusillit, angallat mikineq 21 fod-inik angitigisoq kiisalu umiatsiaaqqat sisamat. Piffissami 2009-miit 2012-ip tungaanut angallatit motorii taarsorsorneqarsimapput, taamaasilluni angallavigisinnaasaat malunnaatilimmik annertusillugit. Angallatit taakku piniarnermik nakkutilliisut aamma aalisarnermik nakkutilliisut sulinerminnut atatillugu atorsinnaavaat. Angallatit misissortinnissaannut aserfallatsaaliornissaannullu sineriammi periarfissat killeqarput, taamaattumik ukiumoortumik misissortinneqartarnerat upernaakkut angalalersinnaaneri siunertaralugu Nuummi ukiuunerani ingerlanneqartarpoq. Kitaani illoqarfinnut anginernut angallatit agguataagaapput, taamaalilluni nakkutilliinermi suliassarpassuit assigiinneqisut ingerlanneqarsinnaanissaat pitsaanerpaamik qulakkeerlugu.

KANUAANA´p angallataatai ukiukkut angalanissamut naleqqussagaanngillat, kisianni Arktisk Kommando-mik suleqateqarneq KANUAANA´p tamatumani iluaqutigisinnaavaa.

**5. Ukiaanerani tutunniarnerup umimmanniarnerullu nalaani soorlu Kangerlussuarmi ataasiinnarmik ikiorteqartitsiinnarluni piniariarpassuarnik nakkutilliiniarneq naammattutut isigineqarnerluni?**

5. pillugu

Kangerlussuarmi piniarnermik nakkutilliisunik imaluunniit ikiortinik ataavartumik nakkutilliisoqanngilaq. Kangerlussuaq sumiiffinnit qaninnerusunit suliartorfigineqartarpoq, soorlu Maniitsumiit, Sisimiuniit ilaatigullu Ilulissaniit Nuummiillu. Piniarneq ukiup ilaannaani ingerlanneqartarmat, tamaani nakkutilliineq sunniuteqarluarnerpaq piniarnerup nalaani piniarnermik nakkutilliisunik aamma ikiortinik suliartortunik ingerlanneqartarpoq, sumiiffimmi sulisunik ataasiakkaanik ataavartumik inissiisoqanngikkaluarluni.

**6. Qaleraleqarfinni il.il. nakkutilliineq naammattutut isigineqarnerluni?**

**6. pillugu**

Aqutsiveqarfiit pingasut, Upernavik, Uummannaq aamma Qeqertarsuup Tunua annertuupilussuupput. Taamaattumik qaleralinniarluni aalisarnermik nakkutilliineq unioqqutitsisoqaratarsinnaaneraniq tunngavilimmik nalilersuinikkut ingerlanneqartarpoq. Sumiiffiit taama annertutigisut angallatit angissusaannut atornerqarsinnaassusiannullu annertuumik piunasaqaatitaqarpoq. KANUAANA arlaleriarluni Arktisk Kommando-mik qanimut suleqateqatigiinnermik pisariaqartitsineranut takussutissaavoq, piniarnermik nakkutilliisut angallataat Søfartsstyrelseminggaanniit ilaatigut Qimusseriarsuarmut angalaqqusaanermut akuersissuteqannginnerat.

**7. Naalakkersuisut piniarnermik nakkutilliineq akisussaaffimmik kommuune-nut nuutsinnaarnermik pilersaaruteqarnerlutik?**

**7. pillugu**

Naalakkersuisut piniarnermik nakkutilliisoqarnerup kommuunenut nuunneqarnissaannut pilersaaruteqanngillat. Pingaaruteqarpoq nakkutilliinermi sulineq aamma malittarisassanik eqquutitsiniarnermut assigiiaartumik piukkunnaateqarluartunillu ingerlanneqarnissaa qulakkiissallugu, tamannalu sunniuteqarnerpaamik ingerlanneqarsinnaavoq piniarnermik nakkutilliisoqarneq ataatsimut ataqatigiittutut inissisimappat qitiusumik aqunneqarluni.

Inussiarnersumik inuulluaqqusillunga

Randi Vestergaard Evaldsen



## Indgæet

18 MAJ 2016

NAMMINERSORLUTIK OQARTUSSAT  
GRØNLANDS SELVSTYRE  
INATSIARTUT ALLATTOQARFIAT  
BUREAU FOR INATSIARTUT  
BOX 1060 - 3900 NUUK

Asasara Siverth K. Heilmann.

Qujanaq piniarnermik nakkutilliineq pillugu apeqquternut. Ataani akissuteqarfigissavakka.

### 1. Piniarnermik nakkutilliisut massakkorpiaq qanoq amerlatigippat?

#### 1. pillugu

Maannakkut piniarnermik nakkutilliisut arfineq-pingasut aamma ikiortit pingasut Kalaallit Nunaanni Aalisarsinnaanermik Akuersissutinik Nakkutilliisoqarfimmi (KANUAANA-mi) atorfeqarput. Tamatuma saniatigut aalisarnermik nakkutilliisut arfinillit KANUAANA-mi atorfeqarput, taakkualu piniarnermik nakkutilliisut suliasarpaaluit pillugit qanimut suleqatigisarlugit.

### 2. Piniarnermik nakkutilliisut Naalakkersuisuni naammattutut isigineqarpat?

#### 2. pillugu

Isumalluutinit atorneqarsinnaasunut atatillugu amerlassusaat naammattutut Naalakkersuisut isigaat. Ukiut 20-t kingullit ingerlaneranni piniarnermik aamma sinerissap qanittuani aalisarnermik aqutsinermi suliasat annertuumik ineriartorput. Siornatigut piniarnermik nakkutilliisut sumiiffinni ilisimasaqarnerat tunngavigalugu atorfinitsinneqartarput, kisianni maannakkut sulianik ingerlataqarnermi nutaaliaasumi pisinnaasanut piomasagaatit annertunipilussuupput, kiisalu piniarneq aalisarnerlu pillugit malittarisassarpasuarnut ilisimasaqarnissamut. Nakkutilliinermi sulisussarsiortarneq suliffeqarfiit oqartussaasoqarfiillu allat sakkortuumik unammineqarput, assersuutigalugu politiit.

KANUAANA p piniarnermik nakkutilliisut sapinngisamik pikkorissartarpai ilinniagaqaqqitsillugillu aqqqissugaanerup iluaniit Naalakkersuisut immikkoortotaqarfiiniit allaniit kiisalu allaffeqarfiup avataani suleqatiniit suliniuteqarnikkut. Pingaartillugu salliutinneqartarpoq siunnersoqatigiinnerup ilisimasanillu avitseqatigiinnerup, piniarnermik nakkutilliisut akornanni aammali piniarnermik nakkutilliisut aqutsisullu akornanni qulakkiissallugu, ilaatigut inatsisit nalunaarutillu pillugit paasissutissiineq aqqutissiunniarlugu taakkualu nassuiaateqarfiginissaat. KANUAANA ilanngullugu taaneqareersutut piniarnermik nakkutilliisut aalisarnermik nakkutilliisoqatigiinnit tapersersortarpaa.

Brevdato: 13-05-2016  
Sags nr. 2016 - 1237  
Akt id. 277887

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

**3. Piniarnermik nakkutilliisut illoqarfinni sorlarni aamma ikiorteqarnerat qanoq inissisimava?**

3. pillugu

Nuummi, Maniitsumi, Sisimiuni, Ilulissani, Upernavimmi Ittoqqortoormiinnilu piniarnermik nakkutiisoqarpoq.

Sumiiffinni unioqqutitsisoqaratarsinnaananik, nakkutilliinermik aamma piniarneq aalisarnerlu pillugit pisariaqartitsinerpaasuni, nalilersuereernermi piniarnermik nakkutilliisut, ikiortit aamma aalisarnermik nakkutilliisut nakkutilliisoqanngitsuni piniarnermilluunniit nakkutilliisoq ikiorneqarnissaanik pisariaqartinneqartumi nakkutilliartortinneqartarput.

**4. Piniarnermik nakkutilliisut angallateqarnerat qanoq inissisimava, tamarmik atorsinnaappat?**

4. pillugu

KANUAANA angallataateqarpoq tallimanik 34-35 fod-itut angissusillit, angallat mikineq 21 fod-inik angitigisoq kiisalu umiatsiaaqqat sisamat. Piffissami 2009-miit 2012-ip tungaanut angallatit motoorii taarsersorneqarsimapput, taamaasilluni angallavigisinnaasaat malunnaatilimmik annertusillugit. Angallatit taakku piniarnermik nakkutilliisut aamma aalisarnermik nakkutilliisut sulinerminnut atatillugu atorsinnaavaat. Angallatit misissortinnissaannut aserfallatsaaliornissaannullu sineriammi periarfissat killeqarput, taamaattumik ukiumoortumik misissortinneqartarnerat upernaakkut angalalersinnaaneri siunertaralugu Nuummi ukiumoortumik ingerlanneqartarpoq. Kitaani illoqarfinnut anginernut angallatit agguataagaapput, taamaalilluni nakkutilliinermi suliasarpasuit assigiinneqisut ingerlanneqarsinnaanissaat pitsaanerpaamik qulakkeerlugu.

KANUAANA'p angallataatai ukiukkut angalanissamut naleqqussagaanngillat, kisianni Arktisk Kommando-mik suleqateqarneq KANUAANA'p tamatumani iluaqutigisinnaavaa.

**5. Ukiaanerani tuttunniarnerup umimmanniarnullu nalaani soorlu Kangerlussuarmi ataasiinnarmik ikiorteqartitsiinnarluni piniariarpassuarnik nakkutilliiniarneq naammattutut isigineqarnerluni?**

5. pillugu

Kangerlussuarmi piniarnermik nakkutilliisunik imaluunniit ikiortinik ataavartumik nakkutilliisoqanngilaq. Kangerlussuaq sumiiffinnit qaninnerusunit suliarfortigineqartarpoq, soorlu Maniitsumiit, Sisimiuniit ilaatigullu Ilulissaniit Nuummiillu. Piniarneq ukiup ilaannaani ingerlanneqartarmat, tamaani nakkutilliineq sunnuteqarluarnerpaaq piniarnerup nalaani piniarnermik nakkutilliisunik aamma ikiortinik suliarfortunik ingerlanneqartarpoq, sumiiffimmi sulisunik ataasiakkaanik ataavartumik inissiisoqanngikkaluarluni.



**6. Qaleraleqarfinni il.il. nakkutilliineq naammattutut isigineqarnerluni?**

**6. pillugu**

Aqutsiveqarfiit pingasut, Upernavik, Uummannaq aamma Qeqertarsuup Tunua annertuupilussuupput. Taamaattumik qalerallinniarluni aalisarnermik nakkutilliineq unioqqutitsisoqaratarsinnaaneraniq tunngavilimmik nalilersuinikkut ingerlanneqartarpoq. Sumiiffiit taama annertutigisut angallatit angissusaannut atorneqarsinnaassusiannullu annertuumik piumasaqaatitaqarpoq. KANUAANA arlaleriarluni Arktisk Kommando-mik qanimut suleqateqatigiinnermik pisariaqartitsineranut takussutissaavoq, piniarnermik nakkutilliisut angallataat Søjfartsstyrelseminngaanniit ilaatigut Qimusseriarsuarmut angalaqqusaanermut akuersissuteqannginnerat.

**7. Naalakkersuisut piniarnermik nakkutilliineq akisussaaffimmik kommuune-nut nuutsisinnaarnermik pilersaaruteqarnerlutik?**

**7. pillugu**

Naalakkersuisut piniarnermik nakkutilliisoqarnerup kommuunenut nuunneqarnissaannut pilersaaruteqanngillat. Pingaaruteqarpoq nakkutilliinermi sulineq aamma malittarisassanik eqquutitsiniarnermut assigiiaartumik piukkunnaateqarluartunillu ingerlanneqarnissaa qulakkiissallugu, tamannalu sunniuteqarnerpaamik ingerlanneqarsinnaavoq piniarnermik nakkutilliisoqarneq ataatsimut ataqatigiittutut inissisimappat qitiusumik aqunneqarluni.

Inussiarnersumik inuulluaqqusillunga

Randi Vestergaard Evaldsen